

國家圖書館藏

中華歷史人物別傳集

綫裝書局

二年癸亥除知綏定府區邑爲八路路若干場若干寨置寨總行記善惡法月朔上其辦視判之又立書院二社學八十餘期年之後勸罷果鄉渠縣兩令於是吏盡守法民安其生綏定大治

王仲平與陝西撫劉公奉命留辦軍務方病闕先公護諸將以禦之大破賊於新豐勢不可爲辭欲行會擒賊張彪起犯陝劉公奉命留辦軍務方病闕先公護諸將以禦之大破賊於新豐

七年戊辰奉命督師援黔先是公將兵陝左文襄公奏調赴甘得旨命往左公又寓書到云弟生吾故人也幸爲我留之初黔自咸豐乙

問先公何循理財公曰沿江設防歲糜百萬於計無所益而獨已大耗脫有他警何以自備是今日理財莫若節用節用莫若裁勇裁勇莫若授黔崇公聽之奏徵先公總師以進公乃開誠信業盛極廣設關謀撫用降衆數月之間連破偏刀水尙大坪黃飄太平等二十一洞禽斬王超凡劉宜順降人傑唐天佑皆積寇也又克平越豐安黃平清平麻哈諸州縣以功加按察使銜賜號法克精阿巴圖魯不圖功垂威

而崇公去位吳棠來代機緘深圖羣張變眩既厥先公獨竟授功又不敢顯易私人惟一意固厄束縛諸餉諸械皆不與對大吏又還糧軍事益難展布矣九年庚午湘撫奏劾吳棠停兵不遣吳大懼思饒過亦効先公上不爲動仍命督師會疫癘作師徒多喪公亦大病幾殆因力請解職還蜀黔事又久而後定

四川鹽法久壞私梟充斥紳商作奸國民交病光緒三年丁丑丁文誠公督蜀念國家自然之利權不可下移西南之隱患必須亟弭毅然改弦更張奏以先公督辦鹽務四年戊寅署川東道旋補建昌道仍督辦鹽務六年庚辰授鹽運使這條上舊後六事一發引必先新後舊不得新陳套搭一徵稅必先課後引不得不挪移虧欠一收發鹽引責成鹽道不得假手吏胥一改代引張責成州縣不容奸商家混一繳殘則嚴定期限以杜重照一辦公則優給經費嚴禁陋規行凡百餘年引目混淆淸款項轉轄請解至是盡革而定

私梟斂跡奸吏肅清國帑大增隱患潛去而治亂消長存亡先公贊襄自蘇浙兩省鹽運總理事云沈葆楨於將來必動數百萬金監督一生清風亮節即此可見其德後家無餘錢子孫皆自負其力

八年壬午二月授雲南布政使時法越構兵不已上以先公素知兵命出關察看邊防初自治元年以來越南舉國奉天主教財賦悉爲法人征收其勢極屬殆不能國劉永福踞越南之山西興化宣光已十

政府諸公復昧於遠識，戰守迄無定策。至若國勢之盛衰，兵力之強弱，豈本有一能計及者？公出關周旋，情勢統籌全局上，書總督岑春煊劄略云：越南久自絕於藩服，不值爲興師動衆。法未與我失和，不宜輕

啓兵端况懸軍深入轉運維艱強弱不侔主客勢異今命三省出師壓其境上一旦兵連禍結於越無絲豪之益在我有卽山之損甚非長算也不若暗資永福使自爲賊守我軍止宜分布邊內要害永福不爲

法併越南勢可有延是我不過歲棄四五萬金而法終爲永福所困以視旁師擄鉅利害孰多而雲南尤當急趁此時修飭內政振作人心方爲固圉安邊萬全之策書上岑公曰公獨不畏清流乎先公答曰南

今局勢當謀自守何能更動遠略公爲國之重臣當通籌大局不宜俯仰清流若徒務一時主戰之虛名貽將來全局之實禍非某所敢知也岑公錄書附奏政府於是無意用兵但累諭先公穩固邊防相機因應

應不可許自我開公於是齎餉汰勇以備邊要裁夫馬

袁世凱自明以來爲首倡者其後遂成風氣此舉所以致人以弊而害於國家之門戶甚鉅惟性急不審及至朝廷遣使還都時已爲人所乘矣

農家設民食之權
 呼公爲局商之權
 泊厥務
 雲南商賈既開自置自運正初年發兌衛生粉在日經公設除請禁販日見其多時地方生息或賴以通
 於爲商大者因紛糾而不出入場者止而收存十餘局行爲窮民救濟外則入除銷局用外之鴉片實不無有寄諸
 以爲商大者因紛糾而不出入場者止而收存十餘局行爲窮民救濟外則入除銷局用外之鴉片實不無有寄諸
 不廣若茶葉等田不治畝畝皆爲廢墾遠近之不可窮計局用外之鴉片實不無有寄諸
 田求燃熟可任收刈理謂有因者欲飲煙者立即焚毀茶葉並諸茶戶懲罰既嚴價格低昂諸民欲飲者不生氣
 因大蘇漢人德公甚至今猶有畫象私祀者九年癸未秋廣西巡撫徐延旭狃於永福懷德府小勝謂可

藉以建奇功邁奏稱若假永福一旅之師不惟收取河內規復西貢並將掃蕩法人政府乃變計一意主戰然命廣西出師而命雲南仍守邊也八月先公駐防新安所聞軍前除巡撫岑公函約回省接篆而商機宜時法越方議和無戰事而我邊防隱固先公回省具摺陳明旋仍馳赴防所十一月法軍背約進攻越南山西永福力戰一晝夜越官通敵開城內應永福腹背受敵退駐興化沿途教民多有響應法軍者由西於楚失守十年甲申二月法軍又三路進攻北甯廣西提督黃桂蘭不戰自潰

黃桂蘭係好古之族桂蘭守北甯者僅之者桂蘭守北甯者

北甯太原相繼陷臺諫交章劾徐延旭奪職下獄協辦大學士李鴻藻徐之姻親也嘗力保徐徐既得罪懼將追論舉主已必不免因嘆人劾先公不候旨回省以致軍心怠玩冀爲延旭分罪先公遂亦被逮問

突部議斬愆侯秋後處決知交咸爲不公平公曰身任疆寄咎何可辭人之多言安肆彈劾以快私忿更不

十二人長壽普濟榮壽實壽宜壽繼壽值壽同壽顯壽從壽獻壽止壽曾孫女十六人元孫四人之餘之棟之湜之顯元孫女一人

維我先公歷事三朝身值艱阻德尊而位弗甚顯不克大展所蘊幾後垂三十五年碑志之屬猶闕往歲金鑒所爲清史稿傳而心弗善其文深懼久而世益莫詳顧幼孤鮮所知聞比丁生母憂益感終天之痛乃彙發遺著遍讀之譜序次爲行畧如右備修史者采取焉中華民國三十二年癸未九月七日弟弼七子益公謹述

益公謹述

唐母馬夫人墓表

清同光間以兼資文武崛起川滇黔間爲中外屬目之鄂生唐公有賢側室曰馬夫人爲吾父益公之母是有醇德超行爲時坊表後公三十四年卒既殯且葬益公乃敘次事狀告于余曰益不孝長爲無母之人矣念自少孤以速成立鞠我者母知我者師敢冀矜其閔凶而錫以文字庶吾母之懿美不致湮沒余展狀歎息於義亦無所讓也乃爲辭以揭其墓曰夫人諱衛英字多嘉貴陽人年十六適于唐公公開敏強毅時官雲南布政使爲世聞人而正妻姚太夫人長妾袁太淑人已先後逝夫人侍公甚謹公旋督巡撫有賢聲因注越軍事爲盡語所中逮刑部獄輒且不測夫人且夕籲天願以身代且陰蓄鴆毒以堅必殉之志逾二年而事解朝命督辦雲南礦務以巡撫銜事摺奏事恩禮優於同輩諸人家有人習星命之說者以爲禍福迭至皆緣此女或感或誦而夫人處之泰然從公二十餘年寢門肅靜婦職有程嫡子俱出仕遠方凡公之飲食衣履非夫人手治者即不稱意既而大命不延奄捐館舍事務變時有僣張夫人內撫諸孤外支門戶橫逆之來一接以誠久之咸感動有禮儼如穆羽之調歷舉四男皆誤於醫而癘泊生益公慮仍不肯順復之恩尤劬於普詢寒暖節飢飽偶晚出必俟歸始就寢胸有鬱抑必百端寬譬使之冰釋而後安雖年過四十猶視之若孩提也嘗訓之曰汝父天人吾不能知其所繼然曾詔以知足忍辱之旨吾儉守其言而未敢怠也夫愛人則得用人惜物則得物用受凌侮未必損占勝利未必益自吾初入汝家年稚勢孤內外宗交數多如卿逆耳之語時有所聞歲月不居目親當日飛謀逞巧氣矜之隆者俱已流先朝露而吾委心任運雖屢苦煎迫依然視息人間可見天命靡常人第守其分際不必於薄物細故斷斷焉別其是非也明智之言識者驚異民國十二年板輿北行就養京邸益公恍於國論輾轉不入不給間有憫時嫉俗之語則躬助操作又識之曰耐煩始能幹事忍氣方可做人昔賢所稱汝獨不聞之乎吾觀古來享大名成大業者無不從堅苦中困心衡慮而來今汝處亂世而不能謹言慎行亦覺歉德不宏爲可憂矣益公因泣誌不敢忘故所至以勤敏廉正稱夫人自奉素儉無珠玉錦繡之好絕博鑒嬉娛好讀書兼通醫學聞有疾病不能自贖者恒饋藥以拯其困既暇則持誦佛偈手寫心經施諸釋氏之宮爲公祈福其爾然不欺謫然不矜敏於事而不顧其私天性然也烏乎俗之厖涼久矣世競言女學女權然纓組之家舊染離舉動囑修言詞假點相親以利終臂聞牆之聲喧騰衆口著往往而有也以較太夫人之所爲其異於人豈不遠哉春秋七十有五以民國三十一年三月十五日卒屬

時神明不衰異香滿室始生有自來之證歟葬舊京西香山萬安公墓男八人我均培塿疾無害俱嫻次益公我培先二月卒塋先十年卒彭壽嫻今存者僅益公三女入福壽適許全壽在室卒平壽適李係男五人祖德錫積禮積文九淵九成孫女三人明珠慧珠龍珠民國三十二年十月番出葉恭綽表

潘傑三先生遺象



潘傑三先生像贊

懿歟先生高隱於鄉遠祖畢公發軔姬昌名賢之裔濟世之良遭時蹇塞輟學就商星興旰飯言表行坊潛德弗耀卷懷退藏古柏自秀幽蘭自芳睢甯右族王朱卓夏結駟連騎迭相雄霸君獨闐然舌耕躬稼苦在衆先名居人下秋菊晚香高人聲價睹茲遺像厚重直方松筠之操道義之光三台灼灼九峰蒼蒼先生之風山高水長

愚姪喻長霖敬題

先考行述

公諱宰英字傑三先世自榮陽遷于睢寧之高作因家焉服疇力農富而好禮代有長者自清道光初數值河患家遂中落先王父有丈夫子三公次居仲生七歲而先王父棄世世父方行商于外公偕叔父奉先王母家居髫齡不事童嬉有成人度愛惜器物土罌木桎弗敢毀壞零綫敗楮亦檢藏之尤習灑掃應對之節故深得先王母歡心晨出事畎晦夜歸從母課讀間侍坐長者樞衣揆杖一中乎禮既通書數宜就上庠而縣境固磽确農恆不熟家食日漸弗給公

年遂十六矣有族父方設商肆于鎮素知公篤厚

頻見招至是乃廢讀赴之習賈業焉財貨所經錙銖必析昕夕從事口弗言勞族父益重之肆務無纖鉅畢巨相屬業因日盛無何族父歿易簣舉肆以授且託諸孤公外爲經營轉移內訓羣從有贏利豪釐皆歸之不日自私其後諸子竝得成立資公教也時奉給少豐歸必奉先王母甘旨更傾資供季父求學嗣世父中殂匪第養親持家胥公獨任而季父昏娶與夫世父遺孤之教養亦皆倚公以辦故歲入非薄而橐無餘蓄比先王母棄養哀毀號泣幾以身殉迨

終喪猶面墨體羸鄉鄰稱純孝焉 公性澹泊不慕榮利自違母喪益甘寂默唯里閭公事關一方利病者輒躬爲擘畫利者期其成且久病者除之務盡族鄰鄰里有爭恆質于 公必喻以理而調釋之使歸于好有訟則力弭之往往出已資置飲饌幣物代人解嫌衅歲庚子拳亂起北地徐境毗魯豫風素剽勁且值饑饉一時羣情洶洶幾釀巨變 公乃家譬戶喻曉以國勢復約薦紳先生籌拯濟災衆賴以安未幾南朔軍旅過境者踵接征役繁重謠詠再熾公旣以大義勉衆輸將更躬親應付遂得帖然覺彌幼好武誦讀餘暇恆擊劍角藝

二

公乃趣令從戎曰今北事亟上則乘輿播越下則生民塗炭爾既有志兵事盍往與其役故覺彌童年而從戎旅承 父訓也頗行 公復訓之曰耑以誦讀爲學問近世或然古人不爾也應世接物采風涉險何一不可長吾學識遠則司馬子長近則顧亭林氏舉以徧歷山川弘其著述炳彪千秋爾其勉旃覺彌謹受教自此游蹤所及務交豪俊采風俗考輿地承 父訓也越五年覺彌歸省乞留侍養 公弗許曰男子志在四方烏用跼伏且吾固甚健吾之最爾出游者以爾心存濟物冀有所遇得紓其蘊抱唯仕宦則非吾願耳古之人以布

衣濟世化俗若漢季布宋邵雍爾當用以自勗自是覺彌遂南游倚 哈同先生 迦陵夫人力得以興學考禮救災濟衆少有裨當世雖所願猶未畢達而此艱難締造亦承 父訓也 公晚益康強行善彌篤中間曾一顧覺彌于京師及滬濱餘唯家居恆數年不履城市 公二品頂戴花翎及三代 正一品封典然 公視之泊如也歲癸丑十月三日卒于正寢享年八十有五易簣神完唯諄諄以孝弟雍睦忠誠勤樸垂訓後裔 公初娶 張太君繼娶 胡太君即覺彌 生妣也並溫恭淑慎事親以孝相夫以順

三

生子二長雖歿于少壯次即覺彌以系出周畢公高 公命復姬姓謹按公狀貌嚴毅而與人接物則溫煦其容處事果決而議論交游則謙退若弗及有敦俗濟世之心而平生不求聞達終于布素視古闇然自修之哲未遑多讓也覺彌文質無抵不足仰承先德謹述遺行以告當世君子幸 垂觀覽 錫以論讚咸當銘鏤男 覺彌謹述

愚姪費行簡薰沐填諱

睢甯潘府君碑銘

嘉興沈曾植撰

長白升 允書

府君諱宰英字傑三睢甯潘氏航航世胄蓋出畢公莪
莪髦士多興榮澤祖考勉考尙志咸有至行爲鄉矜式
積慶發祥遂誕名惠君生而奇嶷壯而敦重璠璣在璞
嶽業燦光松柏蟠根風雪增茂孩提喪父號泣動神幼
秉母教養正于童蒙長讀父書時興其哀慕扶持弱弟
怡然趨闈之風侍坐長者罔忒摠衣之禮出受傳訓書
數旣通漸摩典籍識度益擴長者交稱許爲令器終巨

農作弗給學殖遂廢踈而辭母銜涕已僮囊幼而離家
悵惘其如結廼居列肆已服買業忠樸無飾勤績自將
市廛仰爲圭臬遐邇傳厥敦信主者頗歿屬已遺孤君
治事益劬受託弗渝出內之籍不爽豪釐訓迪之方罔
懈昕夕延仲銘几庶幾毋負故人季布交游未嘗輕其
宿諾鄉子接席以申質悍氓稽顙而奉教卓公善化人
修逢掖之行馮翊多賢遂輓澆漓之俗執經勗弟絜脯
奉親胥取辦于一身更旁濟乎三鄰及違母喪哀毀幾
殆不內圭撮久居苦塊戚感行道之人儀秉士喪之禮
邦家多難遣子呂戍黃龍祇教启爭喻衆而安青雀功

衛里閨澤被偃土徐綰齊楚之轂扼南朔之樞朋來遠
方每爲掃榻交聯殊域至輒授餐坐客恆驩騶卒爭赴
茲其末節亦具聲偁運丁陽九畢謝人事深居養鰥用
葆真素神明鑿固體履安紆癸卯仲冬終于里第春秋
八十有五四方爭弔野哭相聞九族銜悲靈紼同執時
則仲子覺彌方修家學興文制禮殮災濟困義聲梯續
上顯厥親封樹旣完宜表其懿惠貞珉所刊何忝于完
人銘曰

稽厥華胄衍自畢公炎漢而降代偁顯宗河陽文藻晉
原武功奠宅徐甸支別派通般農于疇舍菜于宮已耕

已讀墨行儒風毓惠積慶廼誕是翁處約思醇抱道絜
躬其溫瓊琚其堅金銅守樸弗耀修行已庸黃流浩淼
靈壁穹隆石闕雙峙宰樹千里護此吉阡明惠永崇

睢寧潘傑三先生墓誌

熊希齡

夫法典謨者立功契莊列者味道說仁義者貴際微貴賤者遁時四者權衡折中難矣是以非吏非隱山高公於晉賢不惠不夷揚子稱其達士如我潘公傑三誠其選矣先生諱宰英江蘇睢甯人畢公遠祖大姓起於姬昌南陽故鄉寓客遷於淮水壙僚五世穆行一門先生幼卽岐嶷長而孝謹曾參父喪羊棗增悲黃憲家貧牛醫爲業太夫人督而教之篝燈機杼霜夜達晨荻管蒲編冬餘至夏而睢甯礪礪凶年則饑饉薦臻任子孤寒堂上則旨甘屢缺適族父鄉閭逐末饘粥粗供先生奮

然慨曰儒者貴在謀生人子善於養母况范蠡賢士尙操奇贏子貢宿儒不廢著舉莊叟寓於治辦灌侯出自販繪負米奉親榮逾鐘鼎屠羊返肆樂過弓旌何必咕嗶嗶嚅效老學究窮年而累日哉於是從族父而買炊累萬物陳揆五行內操家政條理而井然外權商車緡酤而悉當精微滯鬻積累錙銖白圭所稱治生者如伊尹呂尙之趨時孫吳用兵商鞅行法先生之謂歟迨族父謝世託以遺孤迺復追感泉台勤勞生產謝宏微之簿記出入必登楊遵彥之銅盤報酬無已封胡增譽族鄰稱賢夫聚而能審物者倚魁之行也散而不知道者

刀墨之民也先生愛博親仁勇爲樹善糴倉穀而補天災興學校而敦風俗爰書曲直因陳實以平質鼎是否侍展禽而辯余因之有感矣方今乾坤屯剝道德淪夷斯民多鋒鏑餘生逸士盡龍蛇其道全資賢哲宏濟時艱居台衡者教養而厚生處里閭者和平以接物所以周尊九藪漢重八廚散資財而郭震立名排患難而魯連見重能光青史惟救蒼生若夫和嶠癖錢傾身障簾刁間貴虜逐日連騎千戶雖埒王侯三寶無關世運方知財輕德大道廣名尊劇孟係齊楚安危計然存越吳雄霸叔末之世先生可風睢甯右姓有卓夏王朱媿梁

韓諸白侈富則鳴琴站屣論交則華轂朱輪關說託於長官游閑誇其公子先生獨安居隴畝屏跡城闔絳雲在霄蒼松自古春秋雞黍常款曲於鄉鄰松菊琴書每怡情於孫子徐孺南州高士蘇純三輔大人今重見矣所嘆者善人是富生可無慙造化何心奪之偏速夢龍飛而止屋招鶴駕以游仙以民國癸丑二年十一月三日卒年八十有五嗚呼痛哉率真會冷傷耆舊者二三續命田空泣孤寒者八百然而冰襟心抱陰德耳鳴存則家法任公歿則謚名文範已與彭錢共壽黃帝爭年又何憾耶先生爲前清國子監生初娶張氏繼配胡氏

子二女一長豫早殤季方多學潛心內典名以覺彌篤
念孝思傷乎先考以某月某日葬先生於潘家樓村禮
也嗟呼登如來之淨域極樂長生表有道之豐碑文辭
無媿

三

睢甯潘君墓碣銘

王國維

君諱宰英字傑三江蘇睢甯人也昔畢公以作冊之命
夾輔成康畢萬以公侯之孫頤頤韓趙後裔分散省畢
作畢讀與潘同因而氏焉成周以降世爲著姓武則七
札爭雄文則二俊競爽英宗茂緒代有聞人祖魁父尚
志並積慶在躬潛德弗曜君天性敦篤百行純備孝乎
惟孝友于兄弟早喪嚴君哀動行路奉事慈母服勤無
方王充書館無取鞭撻之教兒寬講舍不辭都養之役
從兄某嘉其樸忠委之列肆後緣綿悞遂託遺孤君外
綜出納內兼師保極鴟鵂綢繆之智廣鳩鳩均一之恩

一

粲粲諸子終焉成立宗族稱弟鄉里歸仁君少處脂膏
不自潤澤逮乎晚節自致素封法孔氏之雍容陋師史
之纖嗇盡計然之七策散范蠡之千金九里之潤三黨
所歸至於晉苦荐饑鄭興鄉校分粟捐金視爲恆事睢
甯地界梁楚道綰南北冠蓋所集縞紵時通樽酒不空
驪駒在路朱家大俠自感滕公細柳將軍還尋劇孟性
好交遊不慕榮利澹臺之履幾絕乎武城孝威之面罕
見於魏郡通介之節君子尚之迹卑行劬遇嗇道豐大
畫之嗟族黨交涕以癸丑十一月卒春秋八十有五配
張孺人繼配胡孺人並出自名門能相君子長子睢早

卒次子肅雲栖心內乘易名覺彌推原本始復姓姬氏
令聞令望實顯厥親以年月日葬君於縣高作鎮南鄉
之潘家樓邨川原相帶松檟成行南對靈壁之山東走
大河之濱西揖伯姬之冢北瞻亞父之墳偉彼山川式
是安宅宜刊玄石用彰高烈庶孝義之傳可列於正史
有道之碑無聞於媿辭其銘曰

昔在宗周公高輔政後徙滎陽代爲著姓靈基岳峙琬
源玉瑩篤生君子於淮之壩蘭性自芳珠質本圓孝友
天發仁恩自然事親無違存孤表節車萃翟門履絕偃
室登彼大年保茲元吉泗水之陰淮水之陽土崇赤埴

風高白楊千秋萬世閱此玄堂

二

潘傑三先生傳

葉玉麟

往聞傑三先生之賢於侍先大夫時光緒庚子迄乙巳
居睢甯益知其賢隱君子也先生姓潘氏諱宰英姬姓
畢公高之後世居河南滎陽後遷於縣之高作鎮少孤
不能遠方遂宦遊太夫人織且教性孝謹不廢離是歲
值拳匪禍嘉興錢恭勤公歸自京師余謁之高作鎮人
爲言先生篤孝居貧事蓋睢甯地磽寡獲其族父服買
裁自活度不能養乃輟學與之計奇贏星興而盱飯銖
儲而寸操事無難易不敢弛財無鉅細不敢蝕以是內
爲諸父所重外爲鄉黨所推冠蓋南北道徐州次高作

者無不知有潘傑三先生焉嘗謂儒行梯靡鴻生彥俊
執筆爲文多紀通顯位愈尊則文愈盛莫不諛其墓而
壽其生故聲施壯闊則碑傳流聞例若有是人當有是
文而鄉曲逸佚雖瑰意茂行如先生往往鬱堙不著可
慨也先生旣傷失學陰欲廣鄉塾以啓淪後進會

崇陵宣化厲學先大夫適任睢議改縣之昭義書院爲
養正學堂謀於邑紳王粹亭陳慶麟等不三月歲事而
先生實隱爲趨倡而不居其名其他亦多類此世或莫
之知也睢甯右族曰王朱卓夏四姓者各繕倉困連阡
陌飼馬牛驢羸交游郡縣賓客先生則終歲不入城不

入官府闡然儒素而已憶先大夫去時先生與諸父老相送東圩外恂恂謙謹信所聞之不虛也後二年先大夫歿又二年先生逝世自是士習日囂爭營舉選弋聲利幾疑今世不復見樸訥之人也

葉玉麟曰先生仲子肅雲深研釋氏之學名曰覺彌以余知其先世屬爲傳余於睢人士獨自有感也士或高行名宦不見聲稱者夫亦各有命焉耳至如先生純白自守曾何取於虛譽哉

謚議

謚者所目揚至行勸後世稽古在昔不弟皇王后辟公卿大夫有之草野布衣之士苟惠足淳俗義足濟物歿之日州閭及交游朋从或請錫朝謚或羣上私謚其發潛惠闡幽光矜式末俗獲反隆古所裨固云偉矣故處士貞文之稱遠見于周室自時厥後代有傳者若宋氏賜林逋和靖之號于身後邵鍊冲素之號于生前雖出朝制而名符厥實史官歟焉然猶未若私謚之契衆論后觀感也近代南雷青主元孝楊園諸先生其尤彰彰者矣睢寧 潘傑三太公巨劭惠林行爲其鄉祭酒者

垂四十季令嗣覺彌秉其庭訓巨興學制禮開物成務聲施爛然羣流交仰 太公耄歲告殂表惠之文雖刊貞珉而傳謚闕如揆諸生名死謚葡禮宣世之義吾鄙之責未容諉也越廿有二季季等迺得溯綜遺烈同議歟俾稽其尸家則幼孤事母純孝力貧食苦巨供旨甘問眎寢膳底乎敬縝終身孺慕一如孩提友于昆弟怡怡尻處伯氏中沒教養諸孤愛護既摯復殷訓迪羣从成立胥資其力譬諸往哲則鄧禹蔡廓之倫也稽其在鄉則雍容禮文巨化俗恭敬桑梓巨敦誼解爭釋嫌巨和衆通渠築鄣巨惠農尤殫心興學鄉校之立倚其肇

畫而未嘗伐善施勞譬諸往哲則陳寔嚴宏之倫也稽其持躬則一準乎禮言矣弗或苟取與弗或忒爲人轉趨執事銖豪皆歸之不目自潤受人託必踐諾曾未爽一言其嚴正堅樸蓋若此而與人接物迺藹然目和退抑若弗及譬諸往哲則季布趙元錫之倫也它如涉世則辭榮利喜任俠自奉則樂布素屏紛華教子則嚴義方正蒙養交游則共裘馬無慍色數晨夕無倦容故傾蓋投轄遠方之朋畢來凡茲懿行舉足風世而厚俗粵自元公制禮定名五十有五厥後代有所增而陳祥道更舉私謚之例世有六謹案其義不慕榮寵曰冲養惠

二

涵和曰冲止于孝敬曰穆儀能淑世曰穆特奉 太公私謚曰冲穆先生僉曰稱量弗爲溢歟烏乎輓近薄俗天誕老成蓋欲彰其儀型巨示芸芸俾反淳厚然則茲謚所繫誠重敬舉名實目告吾鄰它日柱下舉職或傳孝義或傳獨行采事于斯庶乎非緇謹議

寶鵠年	葉爾愷	鄭沅	沈衛	夏寅官
喻長霖	謝遠涵	劉燕翼	朱寶瑩	高毓澎
藍雲屏	張雲書	商衍鑒	張啓後	林志烜
章棧	葉先圻	宋育德	繆甫蓀	費行簡
程宗伊	許鼎年	劉仁航	李步蟾	薛叙齋

三

魏景崧	孫少炯	沈子惠	王蓋忱	包幹臣
楊子清	魏樵仙	吳默亭	倪敬三	張躍雲
高菊農	陳士髦	朱春雷	沈貞	夏宗翰
夏墨林	夏季實	馬健飛	李廷立	李俊三
王清溪	王俊英	胡智雄	夏慰然	王立屏
婁子明	朱敦參	黃宏度	朱棟華	譚自誠
滕秉樞	王賓卿	徐慕雲	郭寅皋	夏再天
劉榮甲	崔步武	史培青	王超陵	陳遐齡

冲穆先生傳

費行簡

先生諱宰英字傑三姓潘氏先代自河南滎陽徙江蘇睢寧居縣之高作鎮以耕讀世其家孝友雍睦州閭推以爲望祖禰咸有隱德至先生而令聞遂彰淮克徐鳳之交莫不知有潘太公云少孤有兄般買遠方乃挈其季奉母家居潘氏固富有道光初數目南河決流輟耕築隄家驟落久之農作不能給食太夫人則勤女工以鍼黹易錢供用餘時課二子識辨文字先生幼不好弄勤灑埽嫻應對惜物力竺孝敬故甚爲母氏所愛及成童晝耘而夜讀盡通書數長老多冀其以文學顯顧家

計日繼遂請于母曰科名仕宦命也弗可期母劬勞兒乃坐食以靳弗可期之事心用不寧業烏能進竊願廢讀執一業以資生太夫人許之乃投從兄所設肆爲執事焉從兄者眉商肆高作宿儒重先生數招之輒辭以齒稚至是喜其來投事無鉅細畢以相屬處肆中幾卅季接人信臨財廉治事勤廬市翕然偈復見古令德矣從兄將沒託以肆事及遺孤自是經營轉移外兼爲羣從師保迨皆昏取有以自立乃舉簿籍積資歸之未嘗私取一錢自潤其介潔不苟有若此而肆固倚其力業始寢盛故奉酬亦日增先生則師陸梭山法畫月入爲

十以四奉母一供弟讀二備祭祀賓客之用二儲之以自給是時伯氏已中殂太夫人之奉養弟之就學與授室皆獨力任之也及喪母哀毀甚五日水漿不入口羸瘠幾弗能起鄉人感之居喪弗戚者衆以爲羞里巷有爭往往質諸先生則爲釋其嫌隙爭而至于訟者輒置酒醴召甲乙百端解譬之使歸于好行之既久里閭有交鬩或獄訟相傾者父老恆責數之曰爾其何顏見潘太公耶其薰德良善又若此先生初取張夫人繼取胡夫人並端蹤淑德孝親持家一如先生旨張夫人生子睢踰冠而沒胡夫人生子肅雲幼而振奇先生謂夫

人曰是異常兒督教必嚴使底于成故既就外傳書數而外兵農禮樂至於騎射技擊恣其所習庚子拳亂乃令從戎之燕薊以系出周畢公高命復姬姓後以竺志釋典乃易名覺彌號曰北陵北陵南游至滬英僑哈同先生迦陵夫人見而器之聘爲主計由是立學校刊典籍祀倉養老興復欽射投壺冠昏筭喪諸禮大蠲資以澹災活民開館致幣以延通碩之士一時耆儒碩彥至海上必投止愛儷園雍容文譙談經考藝河間君子江東集英不是過也愛儷園者哈同伉儷所築墅中有明智大學廣倉學窘文海閣皆北陵議置者先生聞而欣

然曾一蒞滬觀之且訓北陵曰處今之世爲善亦大不易一夫不獲則有怨言嫉之者又從而指摘之汝其行以漸而持以忍庶乎不敗時先生季逾八十矣而神明矍固少壯弗逮家居養惠化俗不履城市北陵數籌拯有績宣統間先生得議敘二品頂戴花翎然布素自安未嘗以章服誇耀歲癸丑十一月卒春秋八十有五鄉人既素奉爲祭酒其庚子調和民教應付兵役尤有功里閭感之至深卒之日輟春巷哭者相望鄰邑之氓亦爭來弔祭越二十有二年海上耆碩與其鄉人士共上私謚曰冲穆先生徵之陳祥道氏所輯古私謚攷養德

三

涵齋曰冲不慕榮利曰冲止於孝敬曰穆儀能淑世曰穆適符德量足括行誼論世者僉以爲非溢燉也

費行簡曰予交北陵垂二十季見其船次必于禮祁寒盛暑衣冠動止未嘗弛懈與人語委宛周詳若恐傷之交游有過失或詐僞行雖知之務爲覆掩忠於所事德譽歸之主者而已當其嫌怨處脂膏之地幾卅季無一私蓄值橫逆疑謗一以鎮靜持之未嘗剖辨嫌縮以其行誼舉非輓近所得觀迨接其鄉士流曰是皆承太公庭訓也烏乎可爲盛德也已何陽之李定興之鹿庶幾可以媲美今之人以脫略儉荒爲率真文深陰賊爲智

能恣肆奸飢爲任俠夫安得老成典型一挽其俗俾反乎淳耶魏鶴山有言凡紀盛德至行匪以尊前人實以勉來者予爲斯傳竊比其意焉

四

涵齋曰冲不慕榮利曰冲止於孝敬曰穆儀能淑世曰穆適符德量足括行誼論世者僉以爲非溢燉也

